

乾隆戊戌新鐫

三字經

姑蘇閶門內護龍街
大闕帝廟北首姚清華齋藏板

三字經

文庫



人之初 性本善
性相近 習相遠
苟不教 性乃遷
教之道 貴以專

昔孟母 擇鄰處
子不學 斷機杼
竇燕山 有義方
教五子 名俱揚
養不教 父之過

教不嚴 師之惰
子不學 非所宜
幼不學 老何為
玉不琢 不成器
人不學 不知義

為人子 方少時
親師友 習禮義
香九齡 能溫席
孝於親 所當執
融四歲 能讓梨

弟於長 宜先知
首孝弟 次見聞
知某數 識某文
一而十 十而百
百而千 千而萬

三才者 天地人
三光者 日月星
三綱者 君臣義
父子親 夫婦順
曰春夏 曰秋冬

此四時 運不窮
曰南北 曰西東
此四方 應乎中
曰水火 木金土
此五行 本乎數

三才總
曰仁義
此五常
稻粱菽
此五穀
馬牛羊

禮智信
不容紊
麥黍稷
人所食
雞犬豕

此六畜
曰喜怒
愛惡欲
匏土革
與絲竹

人所飼
曰哀懼
七情具
木石金
乃八音

高曾祖
身而子
自子孫
乃九族
父子恩

父而身
子而孫
至曾元
人之倫
夫婦從

兄則友
長幼序
君則敬
此十義
凡訓蒙

弟則恭
友與朋
臣則忠
人所同
須講究

詳訓詁 明句讀
為學者 必有初
小學終 至四書
論語者 二十篇
羣弟子 記善言

孟子者 七篇止
講道德 說仁義
作中庸 子思筆
中不偏 庸不易
作大學 乃曾子

自修齊 至平治
孝經通 四書熟
如六經 始可讀
詩書易 禮春秋
號六經 當講求

有連山 有歸藏
有周易 三易詳
有典謨 有訓詁
有誓命 書之奧
惟周公 作周禮

著六官
大小戴
述聖言
曰國風
號四始

存治體
註禮記
禮樂備
曰雅頌
當諷詠

詩既亡
寓褒貶
三傳者
有左氏
經既明

春秋作
別善惡
有公羊
有穀梁
方讀子

撮其要
五子者
文中子
經子通
考世系

記其事
有荀揚
及老莊
讀諸史
知終始

自羲農
號三皇
唐有虞
相揖遜
夏有禹

至黃帝
居上世
號二帝
稱盛世
商有湯

周文武 稱三王
夏傳子 家天下
四百載 遷夏社
湯伐夏 國號商
六百載 至紂亡

周武王 始誅紂
八百載 最長久
周轍東 王網墜
逞干戈 尚游說
始春秋 終戰國

五霸強 七雄出
嬴秦氏 始兼并
傳二世 楚漢爭
高祖興 漢業建
至孝平 王莽篡

光武興 為東漢
四百年 終於獻
蜀魏吳 分漢鼎
號三國 迄兩晉
宋齊繼 梁陳承

為南朝 都金陵
北元魏 分東西
宇文周 與高齊
迨至隋 一土宇
不再傳 失統緒

唐高祖 起義師
除隋亂 創國基
二十傳 三百載
梁滅之 國乃改
梁唐晉 及漢周

稱五代 皆有由
炎宋興 受周禪
十八傳 南北混
十七史 全在茲
載治亂 知興衰

讀史者 考實錄
通古今 若親目
口而誦 心而惟
朝於斯 夕於斯
昔孔子 師項橐

古聖賢 尚勤學
趙中令 讀魯論
彼既仕 學且勤
披蒲編 削竹簡
彼無書 且知勉

頭懸梁 錐刺股
彼不教 自勤苦
如囊螢 如映雪
家雖貧 學不輟
如負薪 如挂角

身雖勞 猶苦卓
蘇老泉 二十七
始發奮 讀書籍
彼既老 猶悔遲
爾小生 宜早思

若梁灝 八十二
對大廷 魁多士
彼既成 衆稱異
爾小生 宜立志
螢八歲 能詠詩

泌七歲 能賦棊
彼穎悟 人稱奇
爾幼學 當效之
蔡文姬 能辨琴
謝道韞 能詠吟

彼女子 且聰敏
爾男子 當自警
唐劉晏 方七歲
舉神童 作正字
彼雖幼 身已仕

爾幼學 勉而致
有為者 亦若是
犬守夜 雞司晨
苟不學 曷為人
蠶吐絲 蜂釀蜜

人不學 不如物
幼而學 壯而行
上致君 下澤民
揚名聲 顯父母
光於前 裕於後

人遺子 金滿籬
我教子 惟一經
勤有功 戲無益
戒之哉 宜勉力

龍街湯士書

大化乙亥